

ერთი მხრივ, **თეთრიწყაროს მუნიციპალიტეტი** (შემდგომში შემსყიდველი), წარმოდგენილი მუნიციპალიტეტის მერის **გიორგი ქორიძეს** სახით და მეორე მხრივ, შპს "ჯეო სტრიმი" (შემდგომში „მიმწოდებელი“) წარმოდგენილი მისი დირექტორის ქეთევან გოთუას სახით, გამარტივებული შესყიდვის საშუალებით „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ბ“ ქვეპუნქტის საფუძველზე, გამარტივებული შესყიდვის საშუალებით, დებენ წინამდებარე „სახელმწიფო შესყიდვების შესახებ“ ხელშეკრულებას (შემდგომში - „ხელშეკრულება“) შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს გარე გამოყენების საახალწლო დეკორაციების შესყიდვა - დანართის შესაბამისად /39298900- CPV.

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს 3815.00 (სამი ათას რვაას თხუთმეტი და 00 თეთრი) ლარს, დღგ-ს ჩათვლით;
- 2.2. ხელშეკრულების ღირებულება მოიცავს ხელშეკრულებით გათვალისწინებულ საქონლის შესყიდვასთან დაკავშირებულ მიმწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს.
- 2.3. დაფინანსების წყარო - 2020 წლის ადგილობრივი ბიუჯეტი.

3. შესყიდვის ობიექტის მიწოდების პირობები და ხარისხი

- 3.1. საქონლის გადაცემა განხორციელდება, ხელშეკრულების გაფორმებიდან არაუგვიანეს 5 (ხუთი) კალენდარული დღისა.
- 3.2. „საქონლის“ უხარისხობის შემთხვევაში „შემსყიდველი“ წერილობით ან სხვა კომუნიკაციის საშუალებით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით. ასევე ნაკლის აღმოფხვრა უნდა განხორციელდეს „მიმწოდებლის“ მხრიდან გონივრულ ვადაში, მაგრამ არაუგვიანეს 2 დღისა. აღნიშნული ვადის დარღვევის შემთხვევაში მიმწოდებელზე გავრცელდება მე-5 მუხლით გათვალისწინებული პირობები.
- 3.3. „საქონელი“ უნდა იყოს ახალი, ხარისხიანი და არ ავლენდეს დეფექტებს.
- 3.4. შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ტექნიკურ ნორმებს.

4. ანგარიშსწორება

- 4.1 უნაღდო ანგარიშსწორება მიმწოდებელთან განხორციელდება საქონლის გადაცემის დასრულების შემდეგ, გაფორმებული მიღება-ჩაბარების აქტისა და მიმწოდებლის მიერ წარმოდგენილი ანგარიშ-ფაქტურის საფუძველზე, მისი წარმოდგენიდან 10 (ათი) სამუშაო დღის ვადაში.
- 4.2 ანგარიშსწორება მიმწოდებელთან განხორციელდება ლარებში.

5. პირგასამტეხლო ხელშეკრულების პირობების შეუსრულებლობისთვის

- 5.1. ხელშეკრულებით ნაკისრი ვალდებულების შეუსრულებლობის შემთხვევაში „მიმწოდებელს“ ეკისრება პირგასამტეხლოს გადახდა ხელშეკრულების საერთო ღირებულების 20%-ის ოდენობით;
- 5.2. ხელშეკრულების პირობების არაჯეროვანი შესრულებისათვის (მათ შორის ვალდებულების შესრულების ვადაგადაცილების დროს), „მიმწოდებელს“ ეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02%-ის ოდენობით;
- 5.3. ხელშეკრულების ნაწილობრივ შესრულების შემთხვევაში, „მიმწოდებელს“ ეკისრება პირგასამტეხლოს გადახდა შესასრულებელი (დარჩენილი) ვალდებულების შესაბამისი ღირებულების 10%-ის ოდენობით;
- 5.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან;

5.5. „მიმწოდებელი“ ვალდებულებას იღებს უზრუნველყოს პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში ან გამოკლებული იქნას „შემსყიდველის“ მიერ ანგარიშსწორების პერიოდისათვის ასეთის არსებობის შემთხვევაში

5.6. ხელშეკრულების მე-4 მუხლის შეუსრულებლობის ან მათი არასათანადოდ შესრულებისას, მიმწოდებლის მოთხოვნის შემთხვევაში შემსყიდველი იხდის ჯარიმას ჩასარიცხი თანხის 0,2%-ის ოდენობით ყოველ ვადაგადაცილებულ დღეზე.

6. მიღება-ჩაბარების წესი

6.1. ხელშეკრულებით განსაზღვრული მომსახურების გაწევის დასრულების შემდეგ ფორმდება მიღება-ჩაბარების აქტი, რომელსაც ხელს აწერს ორივე მხარე.

6.2. მიღება-ჩაბარების აქტს „შემსყიდველის“ მხრიდან ხელს აწერს მისი უფლებამოსილი წარმომადგენელი (ინსპექტორების განმახორციელებელი პირ(ებ)ი), ხოლო „მიმწოდებლის“ მხრიდან მისი უფლებამოსილი პირი.

7. ფორს-მაჟორი

7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან ვალდებულებების შეუსრულებლობა არის ფორს-მაჟორული გარემოებების შედეგი.

7.2. ამ მუხლის მიზნებისათვის „ფორს-მაჟორი“ ნიშნავს მხარებისათვის გადაუღალავ ან მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველსა და/ან მიმწოდებლის შეცდომებსა და დაუდევრობასთან, რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საბიუჯეტო ასიგნების მკვეთრი შემცირებით და სხვა.

7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს იგი თავისი შეხედულებისამებრ მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

7.4. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება კომპენსაციის მოთხოვნის უფლების გარეშე.

8. ხელშეკრულებაში ცვლილების შეტანა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;

8.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად და დაერთდება ხელშეკრულებას.

8.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.5. ხელშეკრულებაში ცვლილების შეტანის აუცილებლობისას ინიციატორი მხარე ვალდებულია არანაკლებ 3 (სამი) დღით ადრე მიმართოს მეორე მხარეს აღნიშნული ცვლილების აუცილებლობის დასაბუთებული წერილობითი თხოვნით. წინააღმდეგ შემთხვევაში მხარეს უფლება აქვს უარი თქვას ცვლილების განხორციელებაზე.

8.6. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;

8.7. მხარე ვალდებულია არანაკლებ 2 (ორი) დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 8.6. პუნქტით გათვალისწინებული გადაწყვეტილების მიღების განზრახვის თაობაზე.

8.8. ხელშეკრულება ასევე შესაძლებელია შეწყდეს მხარეთა ინიციატივით, ურთიერთშეთანხმების საფუძველზე.

9. ხელშეკრულების შეწყვეტა

9.1 ხელშეკრულება შეიძლება დაირღვეს:

- მხარეთა შეთანხმებით.
- ფორს-მაჟორული სიტუაციით.
- ხელშეკრულების ცალმხრივი დარღვევა შესაძლებელია რომელიმე მხარის მიერ წინამდებარე ხელშეკრულებით ნაკისრი ვალდებულებების შეუსრულებლობის შემთხვევაში.

10. ინსპექტირების პირობები

10.1 ხელშეკრულებას ინსპექტირებას უწევს თეთრიწყაროს მუნიციპალიტეტის მერიის ინფრასტრუქტურის განვითარების, არქიტექტურისა და მშენებლობის სამსახური.

10.2 გაწეულ მომსახურებაში გამოვლენილ ნაკლოვანებებს ინსპექტირების გამწვევი პირი აფიქსირებს ოქმით. დაფიქსირებული ხარვეზების გამოსწორება ხდება „მიმწოდებლის“ მიერ საკუთარი ხარჯებით.

11. დავის გადაწყვეტა

11.1 წინამდებარე ხელშეკრულებასთან დაკავშირებული ყველა დავა მხარეებს შორის წყდება მოლაპარაკების გზით.

11.2 თანხმობის მიუღწევლობის შემთხვევაში დავა წყდება სასამართლოში.

12. ხელშეკრულების მოქმედების ვადა

12.1 ხელშეკრულება ძალაშია მისი გაფორმებიდან 2021 წლის 31 იანვრამდე.

13. მხარეთა იურიდიული მისამართი

„შემსყიდველი“

თეთრიწყაროს მუნიციპალიტეტი
ქ.თეთრიწყარო თამარ მეფის ქ. N 34
ს/კოდი: 230869254
სახელმწიფო ხაზინა
ა/ა GE24NB0330100200165022
ბ/კოდი TRESGE22

„მიმწოდებელი“

შპს „ჯეო სტრიმი“
ქ. თბილისი, გრიბოედოვის ქ. 1/2
ს/კოდი: 400113685
ს/ს „თიბისი ბანკი“
ა/ა GE90TB7572236020100002
ბ/კოდი TBCBGE22

14. მხარეთა ხელმოწერები

გიორგი ქორიძე

თეთრიწყაროს მუნიციპალიტეტის მერი



შპს „ჯეო სტრიმი“-ს დირექტორი

მიმწოდებელი :

შპს "ჯეო სტრიმი"

საიდენტიფიკაციო კოდი : 400113685

მისამართი : ქ. თბილისი : გრიბოედვის ქ. 1/2

ბანკი : ს/ს "თიბისი ბანკი" ანგარიშის
#GE90TB757223602010000 2

მემსყიდველი

თეთრიწყაროს მუნიციპალიტეტი

საიდენტიფიკაციო კოდი : 230869254

ინვოისი

ინვოისის ნომერი : 17/20

ინვოისის თარიღი : 17/12/2020

2	საბაზალტო დეკორაცია მოცულობითი ბურთი		ლითონის კონსტრუქცია, ლედ წათებებით, 3D	0.5მ	ოქროსფერი	140 ლ	9	1,260 ლ
3	საბაზალტო დეკორაცია მოცულობითი ბურთი		ლითონის კონსტრუქცია, ლედ წათებებით, 3D	0.4მ	ოქროსფერი	95 ლ	25	2,375 ლ
4	საბაზალტო დეკორაცია მოცულობითი ვარსკვლავები		ლითონის კონსტრუქცია, ლედ წათებებით, აკრილის საფარით, 3D	0.6	ცივი თეთრი წათება	180 ლ	1	180 ლ

სულ 3815,00 ლარი დღგ-ს ჩათვლით